

仏說摩訶般若波羅蜜多心經

觀自在菩薩行深般若波羅蜜多時照見五  
蘊皆空度一切苦厄舍利子色不異空空不  
異色色即是空空即是色受想行識亦復如  
是舍利子是諸法空相不生不滅不垢不淨  
不增不減是故空中無色無受想行識無眼  
耳鼻舌身意無色声香味触法無眼界乃至  
無意識界無無明亦無無明尽乃至無老死  
亦無老死盡無苦集滅道無智亦無得以無  
所得故苦提薩埵依般若波羅蜜多故心無  
罣礙無罣礙故無有恐怖遠離一切顛倒夢  
想究竟涅槃三世諸仏依般若波羅蜜多故  
得阿耨多羅三藐三菩提故知般若波羅蜜  
多是大神呪是大明呪是無上呪是無等等  
呪能除一切苦真實不虛故說般若波羅蜜  
多呪即說呪曰

羯諦羯諦波羅羯諦波羅僧羯諦菩提薩婆訶  
般若心經

右為

謹写

令和 年 月 日